



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritvalivm Pharmacorvm Contra Lvem Contagiosam Aliosqve Morbos

Wichmans, Augustin

Antverpiae, 1626

Reverendissimo Domino D. Michaeli Ophovio Sylvae-Dvcensis Ecclesiae
Episcopo Denominato.

urn:nbn:de:hbz:466:1-9653

REVERENDISSIMO DOMINO
D. MICHAELI
OPHOVIO
SYLVAE-DVCENSIS ECCLESIAE
EPISCOPO DENOMINATO.



D. sacra manuum tuarum oscu-
la, Reuerend. Domine, venerabun-
dus accedo, solemne illud & gratu-
latorium, QVOD FELIX FAVSTVMQVE,
lætis vocibus & magnis votis Tibi
apprecaturus. Nec solus accedo: sed
tota mecum T VNGERLOA, hoc est, Confratres mei
omnes (septuaginta sumus) clientes tui humillimi,
ad obsequia D. T. aeternum parati, atque in idip-
sum, à Patre nostro emissi. Lætissimum enim illud
nuntium quod nos nuper nouo gaudio exhilara-
uit, ad gratulationem pariter incitauit. Et quid ni
gratulemur, Tibi imprimis, Vir magne, quem ve-
luti alterum Iosephum è Batauico carcere edu-
ctum, super familiam suam, supremus ille Rex re-
gum, & Dominus dominantium iam constituit,
non passus diutiùs ardentem hanc & lucentem tot

virtutum radiis lucernam, sub humili ignorantia
 & persecutionis modio delitescere? Sic sic exaltabi-
 tur, quemcumque Deus exaltare voluerit. Diuinæ
 Sap. 10. siquidem prouidentia hoc opus est, *quæ venditum
 iustū non dereliquit, sed à peccatoribus liberauit eum, descen-
 dit que cum illo in foueam & in vinculis non dereliquit eum,
 donec afferret illi sceptrum regni, & potentiam aduersus eos,
 qui eum deprimebant, & mendaces ostendit eos, qui macula-
 uerunt illum & dedit illi claritatem æternam. Coronam pro
 cinere, oleum gaudij pro luctu, pallium laudis pro spiritu mæ-
 Ifa. 61. roris. Pro exilio, exaltationem; pro carcere, Pontifi-
 cale solium; pro ferreis vinculis, anulum aureum,
 quo Te sibi illa desponsauit. scilicet: *Ego ante te ibo,
 Ifa. 45: dicit Dominus, gloriosos terræ humiliabo, portas æreas con-
 teram, & vinctes ferreos confringam. Vnde meritò hoc
 emblematicū elogium Tibi adaptamus: *Patiens in-
 nocentia, ingens gloria. Sed nobiliorem calamum hæc
 exigunt, & præconem, per quem ad posteros ab-
 eant, in patientiæ & pietatis erga patriam; perenne
 monumentum. Erit grata posteritas quæ hæc om-
 nia, vt & reliqua Tua, verè magna, & maiora quæ
 dabis, æternitati consignabit. de quibus, ne plura
 dicam, Religiosa tua me monet modestia.***

Quare ad te, ô Sylua-ducis, ciuitas sancta, vrbs
 fortitudinis, & Regi tuo ad mortem vsque fidelis, sti-
 lum verto. Tibi pariter gratulari oportet, quæ ta-
 lem

DEDICATORIA.

lem ac tantum iam nacta es Pastorem ; parentem
 scilicet quem olim educaſti infantem. Præ quo non
 ampliùs ſuſpirabis tuum MASIVM, è ſacro pulpito in-
 tonantem. Chryſoſtomum hic dabit, eiùſque ma-
 giſtrum, Paulum. Non deinceps SONNIVM Theolo-
 gica purpura inſignem, tibi ſubreptum conquerè-
 ris. Auguſtinus hic tibi erit, & à quo edoctus eſt,
 magnus Aquinas. Pro METSIIS, CRABELIIS, ZOESIIS,
 vnus inſtar omnium, tibi erit OPHOVIVS, qui pro Pa-
 tribus, natus eſt tibi Filius-Pater. Nempe illud Or-
 dinis ſui columen. illud vas diuinæ eloquentiæ. ille
 Doctor purpuratus. ille amator patriæ. ille fidei
 propagator. inter Religioſos doctiſſimus: inter do-
 ctos Religioſiſſimus. inter vtroſque optimus.

Talis certè decebat vt tibi eſſet Pontifex, ſanctus, inno- ^{Hebr.}
cens, impollutus, ſegregatus à peccatoribus. Tibi, inquam, &
nobis, per quem illam veterem ſanctamque in me-
ritorum communicatione ſocietatem, quæ Ordi-
nem inter noſtrum & Dominicanum, à 400. pæ nè
annis extitit, renouandã ſperamus, & vouemus. At-
que id ipſum pro ſuis Tuiſque clientibus, Reue-
rendiſſ. Domine, à Te efflagitat, vtriuſque Ordinis,
ac potiſſimùm Domus noſtræ ſingularis Patrona,
Sanctiſſima virgo Deipara; cuius felicibus auſpi-
ciis, dignitatis Tuæ pro meritis Tibi oblatae auſpi-
cium, vt FELIX SIT FAVSTVMQVE, omnes denuò

EPISTOLA DEDICATORIA.

apprecamur, quatenus per ascensum hunc purpureum, tandem peruenias ad reclinatorium aureum, & cadentem beatarum mentium stolam. Quod est votum omnium nostrum & singulorum, qui vno hoc ore loquuntur omnes, loquuntur singuli, aeternum tui. Atque ego imprimis omnium & singulorum minimus & vltimus, qui eorum & Reuerendi Patris nostri nomine, in testimonium paratissimi obsequij, *Apothecam* hanc meam subplex offero, vt paternae tuae benedictionis gratiam consequi mereatur, per quam in salutem fiat legentium & vntium, quam vnice specto, & mille votis D. T. in bonum publicum, iterum atque iterum voueo.

Humillimus eius cliens

F. AVGVSTINVS VVICHMANS
cum deuotis orationum munij.